



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

Komunikadu Imprensa

15 Maiu 2013

Komisaun Anti Korupsau (KAK) aprezena Relatóriu Anual 2012 ba Parlamentu Nasionál

Iha 14 Maiu 2013, Komisaun Anti Korrupsaun (KAK) aprezena Relatóriu Anual tinan 2012 ba Parlamentu Nasionál (PN). Relatóriu ne'e deskreve kona-ba progresu no dezafiu servisu KAK nian durante tinan 2012 nia laran. Aprezentasaun relatóriu ne'e lidera direktamente hosi Komisáriu KAK, Aderito de Jesus Soares no akompaña hosi nia Adjunto nain rua iha plenária PN.

Iha Komisáriu nia intervensaun husu ba Parlamentu Nasionál atu fó prioridade lalais ba diskusaun no aprovasaun ba Projetu Lei Anti Korupsaun, Estatutu Organiku KAK, ezbosu Lei kona-ba Deklarasaun Rikusoin (*asset*) ezbosu Lei kona-ba Liberdade atu hetan informasaun no Ezbosu Lei kona-ba Konflitu ba Interese.

“JSMP apresia esforsu ne'ebe KAK halo ona atu kombat korrupsaun iha Timor Leste, tanba ne'e JSMP husu ba entidades hotu no autóridade estadu hotu-hotusfo fatin ba sira hodi ezerse sira nia papel tuir lei haruka, ” dehan Diretór Ezekutivu JSMP, Luis de Oliveira Sampaio.

JSMP enkoraja Parlamentu Nasionál atu fó prioridade ba diskusaun no aprovasaun ezbosu lei sira ne'ebé KAK rekere iha sira nia relatóriu, hodi nune'e bele fasilita di'ak liu tan servisu KAK nian iha asuntu kombat korrupsaun iha futuru.

JSMP observa iha apresentasaun relatóriu ne'e, deputadu sira apresia tebes servisu KAK nian tanba hatudu dadus kona-ba susesu no dezafiu balu durante ne'e sira atinji no infrenta.

Deputadu sira rekoñese mesmu ho kondisaun no rekursu ne'ebé limitadu no kadru jurídiku ne'ebé seidak estabelese maibe KAK dezempeña an atu kontinua servisu hodi kombat korrupsaun iha Timor Leste. Parlamentu Nasionál husu ba Komisaun A PN re-ajenda ezbosu lei sira ne'ebé kaduka atu bele diskuti no aprova.

Atu hetan informasaun klaru no kompletu liu, favor ida kontaktu:

Luis Oliveira Sampaio

Diretór Ezekutivu JSMP

E-mail: luis@jsmp.minihub.org

Website: www.jsmp.tl

Telefone: 3323883/77810637